

## COMUNICÂT STAMPE

IL SÎT [WWW.ARLEF.IT](http://WWW.ARLEF.IT) PRIN TE CATEGORIE SOCIO CULTURÂL

# ARLEF E DIREWEB A MILAN PAL PREMI MEDIASTARS

**Realizât de agenzie web di Udin al è stât sielzût jenfri plu di 700 progjets**

Udin, ai 14 di Jugn 2013 - ARLeF- Agenzie regionâl pe lenghe furlane e direWeb, la agenzie udinese che e fâs progjets grafics e realizacions multimedîals, a àn ricevût îr a Milan l'impuartant premi Mediastars par il miôr sît internet te categorie socio culturâl.

La ARLeF e direWeb a àn partecipât al premi che dal 1996 al met in lûs protagoniscj di campagnis pubblicitariis e di comunicazion di sucès: chest an in particolâr a àn vinçût le "Stelle di Categoria" i plu innomenâts studis creatîfs e lis plu impuartantis agenziis di comunicazion italianis - Armando Testa, Cayenne, Leo Burnett - che a àn lavorât par comitents tant che Illy, Edison, Fiat, WeBank.

Ae decime setime edizion dal premi, ritirât par ARLeF dal diretôr William Cisilino e de responsabile dal ufici stampe Elisabetta Pozzetto e par direWeb de art director Lucia Ardito e dal coordinadôr e responsabil marketing Andrea Del Gobbo, a àn partecipât 772 progjets di comunicazion e 121 agenziis, tamesâts di une jurie di 142 experts.

direWeb no je la prime volte che e je in prime file tai concors: chest an e à vinçût il Premio Web Italia cu la aplicazion iPratic te categorie "App mobile award" daspò lis vitoriis tal 2010 e 2011 e daspò vê otignût il premi ae carriere 2002-2012.